


HEPELEU, KAPETULU

WAMUCHIVALI ³

 Kapetulu 7, 8, 9, kapetulu 10, kufuma muze, mamaah, yami! Fumisa sonekeso yamakala na lipapilo, na vyuma vyosena, pwako wakulizanga, mwomwo Ngwafwelela Mwata mwaya nakutuhana etu lwola lwalunene. Jino etu tuli. . .

²¹⁸ Paulu ali nakukafwa na kuhaka, muchihela, cha Mwata Yesu. Jino, kachi etu natupwa kuhichila muli echi ufukuuno, Chalumingo nachimene. . . Echi chinapu nakuya nakupwa hamwe na Mujimbu wa Chalumingo na chimene, mwomwo ulina “kuhandununa sambata.” Chize chikiko chihula chachinene mukachi kavaka Sambata nalelo. Kaha Nanguya na kusanyika enu vosena kwiza ha Chalumingo na chimene. Mwomwo, echi chinapu chakwoloka, Sateli mokomoko Chalumingo, kupwa nakulifukula? Nyi eyi Mbimbiliya yahanjika ika hali echi? Kaha shikaho jino, chipwe. . . Ou Mukanda uli nakuhandununa lushimbi na likoji, kaha Uli nakuhaka chimwe na chimwe muchihela chacho. Va Hepeleu vapwile vakukulisa mu lushimbi, kaha Paulu apwile nakuvalweka kuwaha cha likoji, na lushimbi.

²¹⁹ Jino, echa tumbate kaha chikuku chindende jino. Etu natuya nakuputuka kunyima.

²²⁰ Hajile, Ngukwechi mangilasi akutangisa. Pamo nge Nanguhasa. . . Kachi nge Nanguhasa kulinga—kufumisa ufukuuno, Nguvakwechi. Munatachikiza Nguli kaha. . . Nguli kaha na myaka ivali ha kupwa na myaka fifite yakusemuka, kaha Kangwamona nge omu Ngwapwilenga, hakamwihi na yami. Omwo mumeso ami. . . Ngwaputukile kutalisa mazu akulava, Ngwashinganyekele Ngwapwile nakuya kapuputa. Ngwayile mukweseka. Uze ndotolo ngwenyi, “Nduma. Ove unapu kaha fwote, mwana.” Chamwaza, ikiye ambile ngwenyi, kachi nge Nanguyoya nakuushinakaji, chinahase kwiza cheka, kupwa na kumona chachihiki cheka. Ikiye ambile ngwenyi, “Jino, ove unahase kutanga Mbimbiliya yove kachi ove nauchihaka muli ove?”

²²¹ Ngwambile ngwami, “Eyo.”

²²² Ambile ngwenyi, “Hanyima chindende, livoko lyove kalyeshi kahasa kushimbula chikumako.”

²²³ Kaha shikaho Ngwa—Ngwafwelela jino, muli echi kutanga, nge Nguli. . . Eyi Mbimbiliya yayindende Collins yapwa najisona jambwende. Ngunahase kuchilingisa kupwa kanawa. Oloze omwo etu natwingila muze mwamunene, vihela vyavinene muze etu tukwechi kupwa na Tesitamende Yayihya na Yamwaka,

kaha kupwa hamwe. Ngukwechi Scofield kakandende. Kaha Ngwejilila na Mbimbiliya ya Scofield, yikwechi tusambiso. Kangwatanga tujisona jino twamu Scofield, mwomwo Kangwetavila hamwe na Scofield hali vavavulu ha—ha kutangisa. Oloze Ngwa—Ngwazanga kulinga mujila uli, mwomwo chinapu. . . Ngwapwile naechi lwola lwalusuku, kaha kuutanga, kaha chikumanyi, palanga nge Ngunatachikiza omu mwakuwanyina mutwe wachihande.

²²⁴ Echi chinapu chosena chachihya kuli yami, kunangula, kaha Kangweshi chikuma mulongeshiko. Oloze, enu namuhaka hamwe na yami chindende, Nanguya nakumulweka Muchano nge omu Ngunatachikiza Echi, mwosena omwo.

²²⁵ Jino, ou Mukanda unapu Paulu, enu anukenu, ikiye apwilenga. . . Etu twamuwanyine ikiye ngachilihi? Ikiye apwilenga mulongeshi wamunene, kukuputuka, mokomoko mukakutanga wamunene. Kaha ikiye apwilenga wa kulongesa mu Tesitamende Yamwaka. Kuliko muthuumwe nahase kungulweka yami jino hiya apwile mulongeshi wenyi? [Chikungulwilo ngwacho, “Gamaliel.”—Muka.] Gamaliel, umwe apwile mulongeshi wakwinjikijiwa walize likumbi.

²²⁶ Kaha jino Paulu, etu tunawane, likumbi limwe. . . Shimbu kanda vamuवलुके kupwa *Paulu*, kala muthu angulweka lijina lyenyi lyapwile lika? [Chikungulwilo ngwacho, “Saulu.”—Muka.] Saulu. Kaha ikiye apwile nalusesa mu Yelusalema, ngolo ja kulifukula. Kaha ikiye ejile nge—nge wakulongesa kanawa, muthu mukakulifukula. Ikiye ahashile kuhanjika malimi awana mokomoko atanu akuhandunuka, kaha apwile muthu wautongwe. Chamwaza, kutala shikola yenyi na utongwe wenyi wakafwile ikiye? Nduma. Ikiye ambile ngwenyi ikiye atela kuvulyama vyosena ikiye atachikijile, numba apwenga wakutela kulinangula Kulishitu.

²²⁷ Shikaho etu tunawane, kahajino, kachambata muthu wautongwe mokomoko lunga wakutanga. Echi nachitondeka nge—nge muthu uze netavila kulikehesa lyavene kumeso a Kalunga, chipwethuhu chipwenga ngachilihi.

²²⁸ Mwamutachikiza Dwight Moody apwile—apwile wakuhona kutanga palanga, mukushishika, kusoneka chenyi chapwile chachipi Ngunahono numba kutachikiza chumamuka. Vakiko vatelele kwimika mijimbu wenyi, lwola lwosena. Ikiye—ikiye apwile mukakusoneka wamupi, wakuhona vene kutanga.

²²⁹ Enu munatachikiza nge Petulu na Yowano, mu Mbimbiliya, vapwile vakakuhona kutanga palanga vakiko kavahashile numba kusoneka majina avo vavene, kaha kahashile numba kutachikiza wakujalila? Uze Kapositolo Petulu, uze apwile na jisapi ja Wangana, kahashile kutachikiza lijina lyenyi lya kufwa kuli ikiye. Shinganyeka echi. Eyi Mbimbiliya yahanjika ngwayo, nge, “Ikiye apwile wakuhona kutachikiza kaha wakuhona

kutanga.” Shikaho, echi changuhanyine lihanya. Amena. Eyo, mwane. Echi nachiya nakushikumuka, nakuwana nge Kalunga nahase kulinga echi kuli muthu.

230 Jino, kaha etu tunawane, haze vene Paulu apwile na kuhitamo chachinene...Ngwatondo kumihula enu. Echi chinapu kutachikiza kwiza kuli Kulishitu? Kumana kalamuthu apwa na kuhasa? Eyo, mwane. Eyo, mwane. Echi chinapu Kusemuka. Echi chinapu kuhitamo lyehi. Kaha shikaho etu twapwile mu Luteleni Kushikola yayinene, keshi kunyima chikumako... .

231 Ngwapwile nalisesa musana ou, mukutoka, ngwatelanga kupwa kuze twolufu koloko, hakulya chachingoloshi na—na Tom Haire. Vangahi vamwivwa lyehi, uze wapuho, Irish, liswalale wakulomba? Kaha ikiye napunga na ou Ndumbu walunga Epp, kwala chenyi, na kulisolola hano muvihela vyavivulu mu America. Kaha Ngwapwanga na kulya chaufuku nenyi. Kaha etu twapwile...Ngwapwile pamo jiola jitatu jakukotokela. Kwapwile pamo seti seli, chipwa cha fwo omwo etu twapwanga nakulya. Oloze wapwile wakwoloka. Kaha etu twapwile nakushindakana vyuma evi, omwo Yesu Kulishitu ikiye Mutwe wa vyuma vyosena.

232 Jino, omwo Paulu aliwanyine echi, ikiye apwile nechi kuhitamo. Kaha jino shimbu kanda ikiye kwitavila echi kutachikiza, echi chatela kukinduluka ku Mbimbiliya. Kaha etu tunawane nge ikiye—nge ikiye ayile na kwingila mulifuchi likwavo, kaha ikiye atwamine mumyaka yitatu, talenu mu Chisoneka, mumone nge kutachikiza chenyi chapwila chakwoloka.

233 Jino, etu tunatachikiza nge ikiye apwilenga na chuma chachinene kumeso. Ikiye atelele kwiza na kulweka liuka, vathu vosena, vyuma kana nge ikiye kujiha chenyi chapwile chakwoloka.

234 Ove watela kulinga chumachimwe nge ngachize? Punduvene, vosena valingile, twatela kukinduluka na kuhanjika, “Vaze watu vavuluka ngwavo ‘vakakujila vakulyalanga,’ kwiza nakuwana, vakiko vapwile vakwoloka.” Talenu? Mukiko kaha. Etu twapwile nakwalumuka. Kaha vyuma kana etu twanjile, etu jino twazanga. Echi kuhanjika, chumachaungeji, chaajilo.

235 Jino, Ngwachilingile chize mujimbu wa “mukakujila wakulyalanga.” Kakweshi chuma changochoko. Kakweshi chuma changochoko. Oloze, veji kuvulukanga vathu ngwavo, vathu vakujila. Oloze kakweshi vakakulyalanga vakujilako. Kakweshi chuma changochoko. Kakweshi unjiho wakala liuka lyapwile naujiho nge ngachizeko, nge omu Ngunatachikiza, lya naine handulendi sikisite chumachimwe, vikungulwilo vyakuhandunuka. Kakwechi chikungulwilo nge mukakujila

wakulyalanga. Echi chili kaha nge—nge lijina lize liyavolo ahaka ha Liuka.

²³⁶ Oloze vakiko veji kuvavuluka, mulikumbi lize. . . Vangahi vatachikiza vakiko vavavulukilenga kupwa mumakumbi a Paulu? Kuvayangila. Munatachikiza *kuayangila* omu chalumbunukila? “Kuzaluka.” Vaze vanapu vathu va kuzaluka. Shikaho, Vangusanyikile kupwa nge “mukakujila wakulyalanga” nge “wakuvayangila.” Kaweshi kuhasako? Shikaho kachi vakiko—kachi vakiko vasanyikile ngachize, kaha vawahililile!

Kaha chumauka Yesu ahanjikile twatela kulinga hali chize? Ikiye ambile ngwenyi, “Wahililenu, kaha pwenu vakuwahilila chikupu; mwomwo fweto yenu yayinene Mwilu, mwomwo mukiko vavayanjishile natupolofweto vapwileko shimbu kanda enu.” Vakiko vachilingile.

²³⁷ Ahanjikile kuli vakiko, “Pwenu vakuwahilila chikuma.” Kalachuma *kahambakanenumo* “zezuka mwilu,” kuwahilila. Kaha tumbaji, omwo vakiko vavawanyine vakutela kupwa nakutoleka cha Lijina lya Yesu, vakiko vawahililile nakuwahilila chachinene chize vakiko vahashile kupwa na kutoleka cha Lijina Lyenyi.

²³⁸ Kaha lelo, vathu vavavulu lelo, kachi vakiko navasoloka kuvavuluka vakiko kupwa mukakujila wakulyalanga, vakiko vanahase kuli ngombe kuze, “Yami! Pamo Ngwapwanga wakuputuka.”

Oloze vakiko vapwile vakuwahilila hali echi, “Mamalelo, yami, kuhaka Lijina!”

²³⁹ Kaha jino, muchisemunuino chamuchivali, vakiko vavavulukile kupwa *crossbacks*. Omu mukiko Vakakulishitu vapwile nakuhaka kulusu hajinyima javo, kusolwesa nge vakiko vavasukikile hamwe na Kulishitu. Vakiko vavavulukilenga *crossbacks*. Jino Ngunatachikiza nge Vakakatolika valivuluka vavene ngachize, oloze lize kalyapwile liuka lya Katolikako. Lyapwile liuka lya Vakakulikanga shimbu kanda vavavuluke kupwa liuka lya Vakakulikanga. Kalyalikangile hachuma chekako shina shili. Ou ukiko mulonga vavasanyikila kupwa liuka lya Vakakulikanga na lelo mwomwo lyalikangile na—na kunangula cha Katolika. Oloze echi chili. . . Echi, hanga, kalyapwile lyakuhandunukako hali luze lwola, omwo vakiko vavasanyikile kupwa *crossbacks*.

²⁴⁰ Mbatenu kaha mujimbu wa Josephus na veka vakakusoneka, na Hislop’s *Two Babylons*, na vyangocho, kaha namuya nakuwana echi chakwoloka, nge vakiko kavapwile liukako. Liuka lya kulivwasana chatete, lyapwileko shina, liuka lya Katolika, pamo myaka seli handulendi, kujinguluka cha—cha vapositolo vamakumishilo. Pamo myaka seli handulendi kufuma haze, liuka lya Katolika lyapwile lya kulivwasana. Kaha

kuyanjiwisa chaputukile, kaha kushinjila vathu kwingila mu liuka lya Katolika, kaha vakiko vapwile na liuka na lifuchi, kulinunga.

²⁴¹ Chize chapwile hanyima, chize vavuluka, kuhanjika cha Constantine, kufuma mukuhona kutachikiza kalunga cha Chikatolika. Oloze, kachi kala muthu atanga mujimbu wenyi, ikiye kavatulukileko, vyuma vize ikiye alingile. Mamaah, yami! Chuma chimwe kaha ikiye alingile kulifukula vachihakile kulusu ha liuka lya Mukakujila Sophia. Chize chikiko kaha chuma ikiye alingile, kuzata mwakulifukula. Ikiye apwile na—na kupwa wakukana. Oloze vakiko vachivuluka kupwa kuhanjika chenyi—chenyi. Kupwa kaha nakupezalisa na vamwe vavuluka kupwa kuhanjika lelo.

²⁴² Jino, oloze, etu tunawane, omwo Paulu alumukile apwile na kutachikiza chivene, ikiye apwile vene wakwalumuka.

Kaha, munatachikiza, *kwalumuka* omu chalumbunukila kupwa “wakwalumuna.” Enu muli nakuya *eyi* jila, kaha enu namwalumuka namuputukila kunyima *eyi* jila. Eyo, mwane. Echi chinapu kwalumuka nakujinguluka, kumeso.

²⁴³ Kaha Paulu, haze vene ikiye vamwalumwine, shimbu kanda ikiye apwenga na kutachikiza. . . Jino, ikiye apwile na kutachikiza chamwaza.

Jino, Ngwafwelela, omwo enu namumwitavila Kulishitu, kupwa kaha Mulwilo wove, chinapu kutachikiza. Ngwafwelela, kuwahilila chakutachikiza shili yove vanajikonekela, jeji kaha kutaka mumuchima, kuhita na kuhita.

²⁴⁴ Oloze jino omwo Shipilitu Wajila asulukile hamavu, chize chikiko kuhitamo lyehi, chize Kusemuka chachihya, chize ove kaweshi kukavulyamako. Ove mwiza nakupwa Mwana Kalunga. Kaha hano mukiko cheji kulinganga. . .

“Nawijiva ngachilili echi, Ndumbu walunga Branham?”

²⁴⁵ Jino, evi vinapu kunangula chachindende. Vathu vavavulu, va Mesondisiti, kweseka kuhanjika, “Vakiko vatambakanyine omwo vakiko Vachikwechi.” Chamwaza, echi chosena chakwoloka. Kachi enu mukwechi Echi, kaha kutambakana, eyo. Mwomwo enu mwatambakanyine, kachapwile chinjikizo chize enu mwapwile Nacho, mwomwo kutamabakana kakavulu kaha kapwile Nachoko.

²⁴⁶ Va Pendekosita ngwavo, “Vakiko vahanjikile mumalimi. Vakiko vakwechi Echi.” Echi chosena chakwoloka. Kachi ove wahanjikile mumalimi, kaha Achikwechi, chosena chakwoloka. Oloze ove unahase kuhanjika mumalimi kaha hanga kaweshi Nachoko. Shikaho?

²⁴⁷ Shikaho, mwamono, hanyima ya vyosena, echi chili kuhitamo lyehi kufuma mukufwa na kwingila mu Kuyoya; omwo vyuma vyosena vyamwaka kufwa, kaha vyuma vyosena

kwiza nakupwa wamuhya. Kulishitu kwiza nakupwa chuma chivene. Vize vyuma vya mwaka kuholoka, miji yamwaka ya chisemwa. Enu munatachikiza omu mwakufulila mwiji nakuuvuya? Etu twapwile nakumbata litemo kaha kuya nakushikumuka, kaha kufukula palanga kakwapwile numba kachiswaswa. Kaha vakiko vambile ngwavo, “Kachi kuze kuli mwiji wa kusasa kulovoka muli enu, mumbate.” Echi chakwoloka. Kaha chize chumamuka chize Shipilitu Wajila eji kulinganga, mwiji kulovola miji yosena. Kuyifula. Kuyilumbika; kuyocha. Kuyifumisa muli vakiko. Ove kupwa mbuto yamwaza jino, kachi etu kulinga chize.

248 Jino, Paulu atachikijile nge chumachimwe chasolokele, shikaho ikiye akindulukile kuya ku Arabia, kaha kuze ikiye kutanga ha myaka yitatu yosena ha tupolofweta va Tesitamende Yamwaka, omu vakiko vapolofwetele. Kaha ikiye ejile nakuwana nge Echi chapwile vene Muchano.

249 Jino, pezelesenu chize na lelo, talenu, hali echi kutachikiza nge etu tuli hano ha liuka lyalindende: na Tanganyika wa Chimene kusoloka kuze, chize Kumunyika chachinene chejile, chize chinahase kumulweka vyuma navikasoloka. Munatachikiza, echi chinapu chamwaza. Oloze ndumbwami walunga mutwazachila mumulimo yami angulweke nge liyavolo. Kaha Ngwa—Ngwahonene kwivwushisa.

250 Shikaho, Kangwahanjikile chuma na chimweko palanga ufuku umwe, kuze kwapwile kulilongesa chasolokele kuze ku Green’s Mill, Indiana, omwo uze Kangelo ka Mwata atambukile nakuhita hamavu na kwimana kuze, na kwinjikiza echi na Chisoneka. Jino cheji kuwika kakahya. Jino kaputukile kuya.

251 Kaha cheka kuhambakana Chalumingo chamakumishilo, etu twamono lusona lwa kuzeneka kuputuka na kukumisa cha Yesu Kulishitu, Hiya nahase kumbata muthu uze kambukile, kaha kahashileko...kuzama Chenyi chamishisa kuya, omwo Mayos kupwa ndotolo mwaza ambile ngwenyi, “Echi chili chakukuma, haya myaka.” Kaha kupwa kapuputa; katuka nakutambuka kulovoka muzuvo, kushijika chitwama chakalikoki kushikumuka jindalo, vanahase kutambuka na kumona nge kalamuthu weka. Echi chinasolola nge chinapu ngolo ja kusanguka cha Mwata Yesu. Mukiko chili. Ikiye youmwe zau, lelo, na hayamyaka.

252 Shikaho katweshi lizazu lyakuwahilila ufukuuno, kutachikiza nge Kalunga kwinjikiza kutachikiza chachinene etu tulinacho, kupwa vakulizanga kupezelesa na Mbimbiliya Yenya na jishiko? Shikangaho etu twatela kupwa nakuwahilila. Kaha etu tunatachikiza jino, nge mu kapetulu 2, etu twawane, “Etu katwatela kwecha vyuma. . . .Etu twatela keshi kuhumbula vyuma kana.” Etu twatela kukwachilila vyuma kana.

Kaha omu tuli etu nakuya na kuhumbula, kachi etu natuhumbula chuma nge ulwilo waunene; . . .

²⁵³ Ika etu natuya nakulinga, mukumunyika cha Lizu Iya Kalunga, omwo etu natwimana ha Kusopesa Cha Kusopesa? Enu kamweshi kuhasa kuhanjika, “Kangwatachikijileko kala chihandwako.” Mamalelo, eyo, enu mwatachikiza. “Chamwaza, jino, Ndumbu walunga Branham kachi napunga wakuhenga.” Ou unapu muchano. Oloze Kalunga keshi wa kuhenga. Lizu Lyenyi kalyeshi lyakuhengako. Kaha shinganyeka kaha, chuma chochimwe, eyi Mbimbiliya, uze ayoyele muli vapositolo, ali nakuyoya cheka. Mamalelo, kukisula chipwenga ku Lijina Iya Mwata!

²⁵⁴ Omwo Ngwashinganyeka nge Nguli na myaka fwote eyite yakusemuka, hakamwihi na fifite, kaha makumbi ami aukweze, kaha na vyangocho; kutachikiza nge kufuma hakupwa kanyike walunga uze Ngwapwile na lushiko lwakukisula, kaha Kuchihanjika kuli vandumbwami vamaunga na mapwevo; kaha kumona vene masauzande avaze kwiza nakulovoka mumilima, kutachikiza nge etu tuli nakuya ku Limbo Iya Hayamyaka, kukisula cha kukisula. “Kaha kachi eyi mbalaka yamavu nayiyengunuka,” shimbu kanda Ngwizenga nakunangula, “kuli umwe ali nakuvandamina hali etu.” Haleluya! Kutachikiza nge kuli vathu vanatwame hano, nge, kachi vakiko navaseza echi chiyoyelo hano vene, shimbu etu natumbata mujimba kulimukakulama, vakiko navakaya nakupwa muze mujimba waupahu, kuwahilila na vakakujila ja Kalunga, kupwa vene Kumeso a Kalunga, mangana akayoye hayamyaka. Na kukupuka, kwinjikiza nge echi chili vene! Amena.

²⁵⁵ Mamalelo, chize chinahase kulingisa Pulishiteliyani kutambakana! Kumana Chalumingo, keshi ngochoko? Vakiko vathu vapwile va Pulishiteliyani. Punduvene munahase, kushinganyeka. Mamalelo, shingaho vathu vapwile nakwivwa yivwa! Mwomwoika, kachi ove mupwa nakwivwa yivwa kufuma hakumbila mokomoko nge kumumbila muchizuma, nachikulingisa ngachilihi shina kupwa kwivwa kwivwa kutachikiza nge ove unahichi kufuma mukufwa nakuya Mukuyoya, nge ove unapu Tengeso yayihya muli Kulishitu! Ove unahono kutachikiza mujila shipilitu yove kutetekela ove kufuma ku majilo, kulundundu, na kole, kaha vyuma vyosena vya mukaye. Kaha muchima wove kutwama hakachi hali Kulishitu. Chize chikiko kufwila chove. Omu mukiko enu munashinganyeka muvishinganyeka vyenu, ha muchima wove, musana wosena na ufuku. Omwo ove muya kukahela ufuku, na kuhaka mavoko enu kunyima yove, nge *ngana*, kaha pwako haze kaha na kumwalisa Ikiye palanga ove muya nakusavala. Tona, chimene chino, hanga kumwalisa Ikiye. Amena. Mamaah, yami!

256 Nguneseka kumwalisa Ikiye. Chimene, etu tunapunga pamo fwo koloko, Ndumbu walunga Wood na Yami, kuya nakulovoka chimenemene, kuya nakuhanga mihale. Ngweji kumwalisanga Ikiye mwishi yakala mutondo, Ngwafwelela, Nguneza kuno. Kangweshi kuhasa kumona mutondo, chakuzeneka kumwalisa Ikiyeko. Shinganyekenu, Ikiye kukulisa uze mutondo. Talenu mbimba wamundende wamwaka kutuka; Ikiye natachikiza nge tuvambi. “Mamalelo,” enu ngwenu, “chakuzeneka mangana, Ndumbu walunga Bill.” Mamalelo, nduma, kacheshi ngochoko. Ikiye atachikiza kwosena kuli muhale. Ikiye atachikiza kwose kuli kauyauya.

257 Mwomwoika, ha lwola lumwe, Ikiye atondele mali amwe, kaha Ikiye ambile ngwenyi, “Petulu, kuze kuli ishi, kunyima okwo, aminyine ngwee, kupwa kaja wakutela, chikuma nge omu twatondo. Yako umbililemo ulovo. Nanguya nakutuma ikiye kuze. Mbata ize ngwe kuyifumisa mukanwa kenyi, mwomwo ikiye keshi kuhasa kuzachisa echiko, lyavene. Yako ukamufwete chamulikumi na mulambu.” Amena.

258 Kaha milungu yayindende hanyima okwo, Ngwamwene ishi wamundende nakumujiha, nasavala muze mumeya. Enu vosena mwewwa mujimbu wacho. Kuli Ndumbu walunga Wood, na ndumbwenyi walunga na vakiko hano kukutangisa echi. Uze ishi wamundende kupwa haze wakufwa chimbwa cha ola, numeya, na mazakwila akukoka mukanwa. Kaha uze Shipilitu Wajila wamunene kwiza, hanyima ya Ikiye ngwenyi, lize likumbi shimbu kanda, “Ove uli nakuya nakumona kusanguka cha kanyama wamundende.” Kaha chimene chashishileho, hanyima ya musana, etu kumona uze ishi wamundende, keshi *kuze* nakushimbulako. Nge ize Shipilitu ya Mwata yejile nakusuluka, kaha ambile ngwenyi, “Vaishi vavandende, Yesu Kulishitu mwakulingisa ove kupwa walambwe.” Kaha uze ishi wakufwa, napunga nakuhungumuka helu ha meya chindende ha chimbwa chaola, kwiza kukuyoya nakuhala chikuma nakuya nge omu ahashile. Mamalelo, kukisula chipwenga ku Lijina lya Mwata. Omu chawaha Ikiye kupwa!

259 Shikangaho Paulu ahashile kuhanjika, chize, “Ikiye apwilenga muchiyulo cha Meuchizandeke.” Ikiye apwile Meuchizandeke. “Meuchizandeke kapwilenga na maputukiloko amakumbi. Ikiye kapwilenga na makumishilo a myakako. Ikiye kapwilenga na maputukiloko akuyoya mokomoko makumishilo akuyoya. Ikiye apwilenga na tata mokomoko mama.” Shikaho, Ikiye kachi kakwapwile wekako. Ikiye apwile Hiya, Ikiye ayoya ufuku uno. Shikaho, ukiko kaha muyachi umwe wa Kuyoya cha Hayamyaka, uze apwa Kalunga.

260 Chingoloshi chinahichi omwo etu twapwile nakupwa na kushimwitwila, ndumbu walunga kahashile kwivwushisa cha tulunga vatatu cha Kalunga, kaha omu etu twapwanga

nakuhanjika hali echi. Omwo Yesu emanyine kuze, Muthu, wa myaka seti. Kaha Ikiye ngwenyi . . .

Vakiko vambile ngwavo, “Mamalelo, vakakuluka jetu valile mana muze mupambo.”

²⁶¹ Ikiye ambile ngwenyi, “Kaha mukiko vapwa, vosena, vafwile.” Oloze Ikiye ambile ngwenyi, “Yami ize Mbolo ya Kuyoya yakufuma kuli Kalunga kufuma Mwilu, uze muthu mwalya kaha keshi kufwako.”

²⁶² “Mamalelo,” vakiko vambile ngwavo, “va kakuluka jetu vanwinenga kufuma ku Lilolwa muze mupambo.”

²⁶³ Ikiye ambile ngwenyi, “Yami Lize Lilolwa.” Muthu wa myaka seti yakusemuka. Ambile ngwenyi, “Apalahama awahililile hakumona likumbi Lyami.”

²⁶⁴ “Mwomwoika,” ngwenyi, “jino Ove ulinakungulweka etu nge Ove unapu kashinakaji nge Apalahama, kaha Ove kaweshi na myaka fifite yakusemukako, kaha ove nauhanjika nge Ove wamumona lyehi Apalahama uze napunga wakufwa hamyaka eyiti handulendi? Etu tunatachikiza ngana Ove unapu liyavolo jino. Ove uli wakuzaluka.” Chize chikiko chuma chili . . . Muze mukiko *liyavolo* atwala, “muthu wakuzaluka.” Ambile ngwenyi, “Ove ukwechi liyavolo, kaha Ove uli wakuzaluka.”

²⁶⁵ Ikiye ngwenyi, “Shimbu kanda Apalahama apwengako, NGWAPWA.”

²⁶⁶ Uze Ikiye Hiya. Ikiye kapwilenga kaha muthu kahako, chipwe Ikiye kupwa nge kapolofweto kaha. Ikiye apwile Kalunga, Kalunga kutwama hamavu mumujimba wa nyama vavuluka “Yesu,” uze—uze apwile mwatwama Mwana Kalunga. Muze mukiko Ikiye Apwile.

²⁶⁷ Jino, etu tunawane Ikiye hano, nge muchihanda chamakumishilo jino, cha kusoka cha kapetulu 2, echi Ngwatondanga kumbata, kuputukila ha vasi 16, mokomoko vasi 15.

Kaha ngwenyi . . . vapwilenga muundungo ha makumbi akuyoya chavo osena hawoma wakufwa akavafumisemo.

Muze mukiko ikiye ahanjikile Yesu, nge Ikiye ejile nakuvasokola vakiko kufuma muundungo, vaze vapunga muwoma wakufwa chiyoyelo chavo chosena.

²⁶⁸ Jino kakweshi nakutondeka kwivwa woma wakufwako. Jino, mukiko vene, etu tweji kulinganga; etu, naumwe pimbi etu twatondo etu, *kufwa*. Oloze munatachikiza nge kachi muthu nasemuka cheka ikiye keshi kuhasa kufwako? Ikiye mwahasa ngachilihi kupwa Kuyoya cha Hayamyaka kaha jino kufwa? Ikiye keshi kuhasa kuchilingako. Chuma chimwe kaha chili cha *kufwa*, lize lizu kufwa, kulumbununa “kuhandunuka.” Jino ikiye mwakahandununa kufuma kumeso a meso etu. Oloze ikiye lwola

Iwosena Kumeso a Kalunga, kaha lwola lwosena apwa. Shikaho, kufwa kacheshi chuma chachikaluko. Kufwa chinapu chuma chaupahu. Kufwa chikiko cheji kumbata etu Kumeso a Kalunga.

²⁶⁹ Oloze jino, mukiko vene, etu, kupwa muthu, kutambuka muli vyuma vya milima hano, etu—etu tunahono kwivwushisa echi nge omu etu twatela. Kaha, mukiko vene, omu kuswama cha michembwe yakufwa yejile, chalingishile umwe mukakujila chikuma muli etu kwivwa woma nakukinduluka kunyima. Chalingishile Mwana Kalunga kuhanjika, “Nge chinahase echa elu lupasa luhite?” Chapwile chuma chachikalu. Kanda kuchimona kuhengako. Mwomwo etu. . . Echi chinapu fweto ya shili, kufwa chili, kaha chatela kupwa chaukenya.

Oloze kachi etu tunahase kutala kusali ya lihina, kuze kuli echi. Kukisula chipwenga kuli Mwata! Kusali ya lihina, kuze kuli muthu ali nakufwila ufukuuno. Wamundende Anna Mae Snelling kaha vakiko vapwilenga nakwimba mwaso muno, “Mwata, Echa Yami Kutala Kunyima Ya Lwola lwa Lihina.” Kalamuthu natondo kumona chize.

²⁷⁰ Jino, jino hano etu tuli, mu vasi 16. “Mwomwo Ikiye ambachile. . .”

Mwomwo chamwenemwene keshi kukwata hali ikiyeko, hali vangeloko; oloze eji kukwatanga vakatanga ya Apalahama.

²⁷¹ Mamalelo, etu twatondo kukwata chize cheka jino. Jino etu tuli nakwiza nakushikumuka. . . Mwomwo, chihanda chatete cha kapetulu 3, chihanda chamakumishilo chacho, kupwamo “lize likumbi kupwa sambata,” mwomwo ha kwiza cha Chalumingo.

²⁷² Jino Tala.

. . . ikiye ambachile. . . chisemwa cha vangelo; . . .

Jino, hiya “Ikiye,” ikiye ali nakuhanjika? Kulishitu. Hiya Kulishitu? Kalunga, ize Longosi ya Kalunga.

²⁷³ Jino echa nguchilumbunune cheka echi cheka, shikaho enu muli vakukunyuka. Kalunga keshi Tulunga vatatu ko. Uze Kalunga wa tulunga vatatu ikiye Umwe kaha. Tata, Mwana, Shipilitu Wajila, kachalumbunukile nge nge kuli Tulunga vatatuko. Kachi nge chili, etu natuya nakupwa vakakuzeneka kutachikiza kalunga. Ou ukiko mulonga va Yuleya vahonene kwivwushisa. Kanda lyehi vachinangula mu Mbimbiliya. Jino, echi vachinangula muliuka lya Katolika, mukiko vene, aze akiko lujimiko lwa tulunga vatatu kulovoka.

²⁷⁴ Mu Africa vakiko veji kujimikanga kapapa katatu kutalisa kulutwe: lwola lumwe lwa Kalunga Tata; umwe hali Kalunga uze Mwana; lwola lumwe kuli Kalunga Shipilitu Wajila. Jino, echi chinapu kuseuka. Kakweshi kunangula chamuyachi ngachize mu Mbimbiliya. Talenu?

²⁷⁵ Kaha jino, echi—echi chikiko vakiko vanangwile. Echi chejile kuhichila muli Luther; kufuma muli Luther, kwingila muli Wesley; mbwe na muvisemunuino nge vihwanga. Oloze kachapwile kunangula cha Mbimbiliyako. Lwola lwosena chinapunga kuhengesa, kufuma haze chaputukile.

²⁷⁶ Jino, shikaho, Kalunga apwilenga kukuputuka. Shimbu kanda kupwenga kumunyika, shimbu kanda kupwenga numba atom, shimbu kanda kupwenga tanganyika, shimbu kanda kupwenga chuma chimwe, Kalunga azalise chihela. Kaha muli Chize kamwapwile chumako shina kutoma: zangi yitoma, kujila chitoma, kwoloka chitoma. Yapwilenga Shipilitu. Ikiye afwikile chihela chosena kufuma Hayamyaka, muze etu katweshi kutachikiza kukunama Chacho. Echi nachiya nakuhambakana kala chuma etu tunahase kushinganyeka.

²⁷⁷ Nge kuhita muze mungilashi, etu tunahase kumona na—na handulendi na chumachimwe myaka miliyoni ya tando ya kumunyika. Shinganyeka hali echi. Handulendi na miliyoni yamyaka ya tando ya kumunyika. Kaha kumuyika—kumunyika kutambuka ha eyiti sauzande milosi ha second. Kaha handulendi na myaka miliyoni ya tando ya kumunyika. . . Shinganyeka kaha miliyoni yajimilosi jingahi chize nachihasa. Enu kamwahashile numba kutetekela echiko. Enu kamweshi kaha kumbata mikana ya naini nakuhita mu Jeffersonville, kaha hanga enu kamweshi kuhasa kuchihokolako mujimilosi na jimalosi. Shinganyeka chize. Kaha kusali yachize hanga apwila vatanganyika na matungu. Kaha Kalunga, shimbu kanda umwe apwenga, Ikiye apwilenga. Talenu?

²⁷⁸ Kaha jino ize Longosi ize yalovokele kufuma muli Kalunga, ize yapwile ize—ize Longosi, vyosena evi vyaputukile kutungika muchifwanyisa cha mumu—mumujimba. Kaha ou mujimba watunga wakusanyikila, mu kunangula chinapu kunangula, Longosi, ize Longosi ize yalovokele kufuma muli Kalunga. Mujila yikwavo, lize—lize Lizu lyambwende hali echi, twachivuluka kupwa mujimba wamushipilitu. (Mujimba washipilitu unapu mujimba wauthu uze vanatohwesa.) Keshi kaha naou mujimba wanyama na manyinga nge nauya nakupwa wakutohwesa, oloze chinapu muchifwanyisa cha mujimba wauthu uze kawalyako, chipwe kunwa, oloze unapu—unapu kaha mujimba, mujimba uze uli nakuvandamina hali etu shimbu natuseza ou umwe. Jino, muze, etu tweji kwingilanga muli ou mujimba. Kaha ou ukiko mujimba wa Kalunga wapwilenga, mwomwo Ikiye ngwenyi, “Echa tutunge muchifwanyisa chetu chivene na muchifwanyisa chetu.”

²⁷⁹ Jino, omwo muthu kwiza nakwingila muli uze mujimba, ikiye apwile nakutetekela vaishi vosena, kaha tujila, na—na tunyama vamuchipapa. “Kaha jino kakweshi muthu apwile nakulimako,” Kuputuka 2. Ikiye atungile lunga na pwevo, oloze kakwapwile muthu ko palanga mavu.

Kahajino Kalunga atengele muthu kufuma mulukungu mumavu. Ikiye amuhanyine livoko nge—nge phombo. Ikiye amuhanyine chipundo nge vuli. Ikiye amuhanyine, Ikiye amutengele, muchifwanyisa. Kaha ou mujimba uli muchifwanyisa cha kuyoya cha kanyama, kaha vautunga kuufumisa kala vyuma. Mujimba wove vautunga mumuyachi woumwe wa vyakuzachisa nge kavalu, mokomoko kala chuma nge ngachize. Vautunga kufuma kuuto, makala, maji, kumunyika. Enu muli kaha...Nyama yosena nge ngachize keshi nyama yosena; eyi yinapu nyama yakuhandunuka, oloze wakutunga kufuma kulukungu lwa mavu kuze afumine.

Oloze, chihandwa mukachi ka kanyama na muthu, Kalunga ahakile mwono muli muthu, kaha Ikiye kahashile kuuhaka muli kanyama ko. Mwomwo, uze mwono wapwile muli muthu ukiko mujimba waushipilitu.

Mamalelo, Ngwa—Ngwa, Kangweshi kuya kuli...echi kunangula, oloze Ngwatela kumbata echi.

²⁸⁰ Tala. Enu anukenu omwo Petulu apwile mukamenga, kaha Kangelo ka Mwata ejile na kusokolola vikolo?

²⁸¹ Etu tuli nakuhita muchisakano chachinene hano, likumbi likwavo, kaha chikolo kupwa chakusokoloka kuli etu. Ngwambile ngwami, “Munatachikiza, eyi Mbimbiliya yapwile yina chatete.” Talenu? Jino, kwiza nakukanduka, chikolo, chili hali chivene.

²⁸² Kaha omwo Petulu ejile nakulovoka, kutambuka hali ava vakakulama, vakiko vapwile tupuputa kuli ikiye. Ikiye kuhita na mukakulama mukachi, navakakulama vakuweluka, kwingila muchipango, kuhita na mbango, kuya namujila. Kaha kafweteleko kala...Vakiko vashinganyekele mukakulama mukwavo mokomoko chumachimwe. Vakiko...Ikiye kuhita, kaha chikolo kusokoloka chivene, shimbu alovokele, kaha kusoka kunyima. Kaha omwo ikiye ayile kuze, ikiye ashinganyekele nge ikiye apwile na chilota. Kaha ikiye ayile nakushikumuka kuzuvo ya Yowano Mako, kuze vakiko vapwile na kuliwana cha kulomba. Kaha ikiye apwile kungongomweza...[Ndumbu walunga Branham kungongomweza hakamenga. Hatepu hapimbi—Muka.]...kupwa mukachi kenu.

²⁸³ Mamalelo, Ikiye apwa upahu. Ikiye ali wamwaza.

Jino, mamalelo, *ikiye* kavamutangile *mu* chifwanyisa *cha* kangelo; *oloze ikiye ambachile...ize mbuto ya Apalahama*. Kalunga ejile nakupwa *mbuto ya Apalahama*.

²⁸⁴ Jino, kachi etu twapwanga na lwola, kukinduluka na kusolola omwo Ikiye achilingile mu Lushiko! Enu mwangwivwile kunangula, lwola lwaluvulu, omu ikiye ambachile vase tunyama nakuvavatula muvihanda, kaha

kumbila tupeza na tututela. Jino ikiye atalile, kaha ikiye atachikijile kunwa makanya chindende, makanya alava, kufwa. Chakushisaho, kunwa mulilungu lya kakahya, hetese. Oloze, kuhambakana chize, kuya Kumunyika chitoma. Kaha chize kutoma chayile mukachi kavihanda vya mulambu, kusolwesa nge Ikiye mwaya nakulinga. Kaha Ikiye ambachile kachisachi, omwo Ikiye alingile chize, kaha Ikiye asonekele Chivwasano, kusolola omwo Ikiye mwalinga.

²⁸⁵ Kaha Ikiye, Yesu Kulishitu, ejile hano hamavu; Kalunga, *Emanuwele*, “Kalunga mumusonyi.” Kaha ku Kavali, Ikiye vumapulile muvihanda. Kaha Shipilitu Yenyi akindulukile mu Liuka. Kaha mujimba Wenyi vauzundwile na kutwama ha Litanda lya Kalunga.

Eli Litanda lya Kalunga! Uze Umwe hali Litanda lya Kusopesa. Etu tunatachikiza chize. Chamwaza, kuze kuli Kusopesa? Ou Tata naguhanecho. . . Ikiye kasopesa namuthuko. Oloze Tata nahane kusopesa chosena kuli Mwana. Shikaho Ikiye ali. Kaha Chiyoyelo Chenyi chinapu Kapilishitu Wakulitulaho, kutwama haze na mujimba Wenyi Ivene, nge mulambu, kuulembelela. Amena. Ndumbu walunga, echi nachihaka chumachimwe muli ove.

²⁸⁶ Talisenu, “Ikiye ambachile Mbuto ya Apalahama.” Ikiye ejile nakupwa Muthu. Kalunga, alilingishile kupwa musonyi mukachi ketu, mangana kutusokola. Mujila ikwavo, Kalunga ejile na shili, mangana etu tupwele vakutambula kuli Ikiye. Kaha omwo etu natupwa hamwe na Ikiye, etu natupwa hamwe na Ikiye. . . Etu twapwile vathu vatando, myaka yitatu nateni. Kaha Kalunga ejile nakusuluka na kwiza nakupwa umwe wetu, mumyaka yitatu na teni, mwomwo ahanyine lwola Lwenyi, mangana etu tupwenga vakutambula ku Kuyoya Chenyi cha Hayamyaka. Kaha omwo etu twasemuka chachihya, etu twapwa vana vamaalunga na vamaapwevo va Kalunga, kaha kupwa na Kuyoya cha Hayamyaka, kaha kaveshi kukanongako.

Mamalelo, chumamuka—chumamuka—chuma muka Mulwilo wa kukisula! Mamalelo, kakweshi jila mwakuyisonekela. Kakweshi jila yakuchilumbununa. Echi chili chakuhambakana kulumbununa. Naumwe pimbi mwahasa kulumbununa Echi kupwa wamunene. “Omwo Ove wapwa wamunene! Omwo Ove wapwa wamunene!” echi chakwoloka.

Shikaho chatela kuli ikiye kumufwanyisa nge vandumbwenyi mwosena, . . . (shinganyeka chize.) . . . mangana apwenga mukakutetela kaha wakushishisa muvyuma vya Kalunga, . . . (Ivwulila kuli echi.) . . . kuneha kukukindulwisa . . . eyi shili ja vathu va.

Kukindulwisa, jino, Kalunga, kutachikiza chiyulo, atela kwiza na kuzeneka chiyulo, kwivwa chumachapwile

kuli mukashili, kukinduluka na kukindulwisa, kuhichila “kukukindulwisa,” kaha pwenu na keke hali vathu.

287 Vasi ikwavo, ivwulilenu Echi hano.

Mwomwo ayanjile ivene ha . . .

288 Kalunga kahashile kuyanda muli Shipilitu. Ikiye atelele kwiza nakupwa musonyi, na kwivwa kukola cha misongo, kwivwa chize cheseko cha lwisio, kwivwa chize cheseko, kwivwa chize cheseko cha zala, kwivwa ngolo jakufwa. Mangana Ikiye ahase kuchimbata hali Lyavene kwimana Kumeso a Shipilitu Wajila wamunene, eyi Shipilitu, keshi Muthu ko; eyi Shipilitu, kupwa nakwimana mulipwata ya echi chiyoyelo. Kaha Yesu ambachile chize, mangana kupwa mulipwata halie tu, mwomwo Ikiye atachikijile omu chevwakijile. Nge ove muviza, Ikiye atachikiza omu weji kwivwanga. Nge ove vanakweseka, Ikiye atachikiza omu weji kwivwanga.

289 Jino, enu munatachikiza omwo etu natuvotela kolokoko yalifuchi, kala jimi mwakaya nakusakula kolokoko yalifuchi uze napunga jimi, mwomwo natachikiza omu chapwa chachikalu kupwa nachiyoyelo chaujimi. Talenu? Ikiye atondele muthu umwe kwivwushisa.

290 Kaha shimbu kanda Kalunga ahase kwivwushisa (Ikiye kupwa Mukakujila wamunene, omu Ikiye ahashile kwivwushisa hanyima ya Ikiye apaishile muthu? Ha kukujila Chenyi, Ikiye apaishile muthu.), kaha jila yimwe Ikiye mwaya nakutachikiza mwakusambisa muthu mwaya nakwiza nakupwa muthu.

291 Kaha Kalunga amuuvile mujike kaha ikiye anehale mujimba, keshi manyinga ava Yuleyako, keshi na manyinga ava Kamafuchi eka na ekako, oloze Manyinga Eyi Ivne. Kalunga atengele Manyinga, chakuzeneka usunda, chapwile kaha, chakuzeneka kufwila chausunda. Kaha lize Liundu lya Manyinga, kutenga mulijimo lya pwevo, kuneha Mwana. Kaha omwo Ikiye vamujimikile kuli Yowano muka Mbaputishiti, Yowano ambile ngwenyi, “Ngulina unjiho, kumona Shipilitu ya Kalunga (nge katela) kwiza na kutwama hali Ikiye.”

292 Shikangaho Yesu ahashile kuhanjika, ngachize, “Jingolo josena Mwilu na mavu jili mulivoko Lyami.” Kalunga na muthu ejile nakupwa Umwe. Melu na mavu kulikumbata umwe na mukwavo, kaha Ikiye apwilenga Umwe uze nahase kuhana cheka ku shili jetu. Ou ukiko mulonga uze, mu Lijina Lyenyi, kuka nachisoloka. Ikiye atachikiza kukola chove.

293 Enu mwevwa lyehi ou mwaso wamwaka?

Yesu natachikiza kukola ove kwivwa, Ikiye nahase kulwila kaha Ikiye nahase kukuka; Mbata chiteli chove kuli Mwata kaha kuchiseza kuze.

Echi chakwoloka. Ikiye atachikiza.

Omwo mujimba wetu vauhalile na kukola,
 kaha kulikangula etu katweshi kwivwa
 chekako,
 Anuka kaha Kalunga Mwilu eji kukumbulula
 kulomba,
 Yesu natachikiza kukola ove kwivwa, Ikiye
 nahase kulwila kaha Ikiye nahase kukuka;
 Twala kaha chiteli chove kuli Mwata
 nakuchiseza kuze.

²⁹⁴ Omu mukiko Ikiye eji kulombanga, “Twalilaho kuchiseza kuze.” Mwomwoika? Ikiye napu Kapilishitu Wakulitulaho ketu kwimana hano, uze atachikiza omu muli nakwivwa. Kaha Ikiye atachikiza omu mwakukindulwishila ove kulikoji, kaha omu mwakunehela ove kukinduluka kukulikangula chove. Ikiye atachikiza vyosena hali echi, Ikiye kuyanda. Omwo ove kaweshi na chihela chakutulika mutwe woveko, Ikiye apwile nachuma chochimwe. Nge ove naupwa nauvwalo wakuchija, Ikiye apwile mwomumwe. Nge nauneha lyepe, kuyanjisa, Ikiye apwile mwomumwe.

²⁹⁵ Ivwulilenu ha vasi yamakumishilo jino. Chosena chakwoloka.

*...kumweseka nahase kuvakafwangako ava vali
 nakumona vyakweseka.*

Mokomoko, mumazu akwavo, Ikiye atela *kukinga* vaze, *kukafwa* vaze, kulingisa vaze...*kwafwila* keke na vakiko. Mwomwo, Kalunga Lyavene ejile nakupwa muthu, mangana alivwenga echi.

²⁹⁶ Enu anukenu, ufuku ukwavo, kumana etu tweji kunangulanga hali chize? Omwo Kalunga apwilenga na... Kufwa chapwilenga na mumunyi muli echi, kwivwa chakuvwisa woma. “Makumbi avo osena vapwilenga muundungo ha *kufwa*.” Kaha jino Yesu ejile, nge Ikiye nahase kufumisa mumunyi wa kufwa.

Kaha omwo Ikiye apwilenga nakuya kupili, anuka omwo etu twachinjikizanga echi? Vaze vapwile namapenga achila ha chikuto Chenyi, shimbu vakiko vosena kwiza nakupwa lipenga limwe lyalinene, kaha kumwanga Manyinga Ivane. Use weyi waundende, mujimba wakufwakuluka, Ikiye keshi kuhasa kuya kulutweko, kaha Ikiye aholokele. Simon Cyrene, uze lunga wamulatu, amukafwile Ikiye nakumbata kulusu kuzauka pili.

Kaha omwo vvakiko Vamupapalile jimbambo kukulusu, kaha Ikiye kutambakana kutonda meya. Kala muthu kuhichisa manyinga kutondeka meya.

²⁹⁷ Anuka omwo Ngwanangwile ufuku ukwavo “Uze vuli, kapaji kwivwa pwila ya meya, shikaho mukiko mwono wami weji kutondanga Ove, Ove Kalunga”? Kachi vuli navamutapa

mbandu kaha mwayoya, hakufumisa manyinga, ikiye atondele meya mokomoko ikiye mwaya nakufwa.

²⁹⁸ Vangumbukile, muze muwande, omwo Ngwapwile na myaka fwoteni. Kaha Ngwapwile ngunasavala kuze. Echa mahijnji kunongama kuli ami, nge hamburger, kufuma ha chifwasanyisa chauta wa 12. Kaha Ngwatambakanyine meya, “Mamalelo, nguhane meya!” Ngunafwiki; mivumbo yami kulifwika.

²⁹⁹ Sepa lyami kuya muchijiva chamwaka, kupwa navyosena miyachi ya vavandende mavwovela, muchana. Kangwalizakamina chumamuka. Kaha ikiye kuvafumisamo, kaha Ngwakwachile kukwachilila kukanwa kakusokolola, kaha ikiye kukasa chifwiki chavo nge *ngachize*, mukanwakami. Yaah, Ngwatela meya.

³⁰⁰ Ikiye apwilenga nakuhita manyinga. Ikiye ambile ngwenyi, “Nguhane Yami meya akunwa.” Kaha vakiko Vamuhanyine vingammina kuusope, kaha Ikiye aukanyine, kaha aukanyine. Ikiye apwile mwana Mukoko wa Kalunga ali nakufwa muchihela chetu, mangana kumukindulwisa kuli muthu. Chuma muka echi? Uze Kalunga wa Mwilu.

³⁰¹ Billy Sondo lwola lumwe ambile ngwenyi, nge, “Kala chiputa chapwilenga na Vangelo kutwama muli chize, kuhanjika, ‘Fumisa kaha mulivoko Lyove na kwinyika Munwe wove, Etu natuya nakwalumuna ukalu.’”


³⁰² Vaze va sassy lize lizavu lyavakakulifukula, kupwa vamwe vakutanga vavanene va D.D., Ph.D., kutambuka na Ikiye na kuhanjika, “Jino, kachi ove u Mwana Kalunga, ove vakulwilile veka, ove kaweshi kuhasa kulilwilako, suluka oho hakulusu, kaha etu natuya nakukufwelela.”

³⁰³ Vakiko kavatachikijileko nge vakiko vali nakumuhana Ikiye kalemesa. Ikiye nahase kulilwila Lyavene. Oloze kachi Ikiye ahashile Lyavene kulilwila, veka Ikiye kahashile kulilwilako. Shikaho, Ikiye ahanyine Lyavene. Kukisula chipwenga ku Lijina Lyenyi. Ikiye alihanyine Lyavene, mangana Vangulwile kaha na ove nawa vakulwile. Mamalelo, omwo chatambuka hamwe nazangi!

³⁰⁴ Ikiye katelele kupwa mukakuvizako. Uze wakusemuka kulisanda wamwaza katelele kuvizako. Oloze Ikiye ejile nakupwa wakuviza, mangana Ikiye ahase kutachikiza omu mwakuwikila yami omwo Ngwapwile nakuviza.

³⁰⁵ Ikiye katelele kuzeyako, oloze Ikiye azeyele. Ngwatangile mujimbu waundende lwola lumwe wapwile nawo, Ngwahonene kutachikiza nge chapwile chamwenemwene mokomoko nduma. “Omwo Ikiye asangwile uze kanyike walunga kufuma ku Nain kuze, kufuma mukufwa, Ikiye kutwama halilolwa na kunyengetela na mutwe,” mwomwo Ikiye atela kwima misongo yetu.

³⁰⁶ Ikiye atela kumbata shili jetu, kaha kuze Ikiye afwile, kaha Kukavali omwo uze puka wamwaka kaha kufwa kamwe kaha kujika mumunyinyi. Kalamuthu atachikiza, omwo puka kujika mumunyi, kaweshi kutuva chekako. Omwo puka mwafumaho nakutuka mokomoko kala katutu eji kutuvanga, omwo ikiye mwajika mumunyi, ikiye mwafumisa namumunyi. Ikiye hanga apwa puka oloze ikiye keshi na mumunyiko. Chuma chimwe kaha ikiye nahase kulinga shina kuyinga na kuneha kaha zungo chikuma.

³⁰⁷ Chize chikiko kaha chuma kaha kufwa chihanase kulinga kuli muka kufwelela, kuneha vyema vyavivulu. Oloze, haleluya, kukisula chipwenga ku Lijina Iya Mwata, Ikiye ajikile uze mumunyi wa kufwa mumujimba Wenyi Ivane. Emanuwele mukiko alingile. Kukatuka cheka, halikumbi lyamuchitatu, kunyikisa mumunyi kulovoka muze, kaha kupwa wakuzeneka kuyoya ufukuuno. Kaha Shipilitu Yenyi ili muli ino zuvo, kaha Ikiye alinjikijile Lyavene ayoya mukachi ketu. Ou ikiye Meshiya yetu. Ou napu Mulwilo wetu wakukisula. 

HEPELEU, KAPETULU WAMUCHIVALI ³ LVE57-0828
(Hebrews, Chapter Two ³)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrior Branham, vawambulwile hakuputuka mu Ingilishi ha Chitatu na chingoloshi, Kukumi 28, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org